



Regione Autònoma de Sardiogna  
Ufitziu de Gabinetu de sa  
Presidèntzia Prot.de su 13/03/2020  
nr. 0002748/OrdP/8  
Classifica XV.12.2\_1

REGIONE AUTÒNOMA DE SARDIGNA  
REGIONE AUTONOMA DELLA SARDEGNA

PRESIDÈNTZIA  
PRESIDENZA

SU PRESIDENTE

Prot. n.2748

Ordinàntzia n.8 de su 13 de martzu 2020

**Ogetu:** Cuncursu de su Corpus Forestale e de Vigilàntzia Ambientale (CFVA) a s'atuatzione de sas misuras istraordinàrias e urgentes pro prevènnere e pro gestire s'emergèntzia de custa maladia de su COVID-2019 in totu su territòriu regionale de sa Sardiogna. Ordinàntzia in cunforma a s'art. 32, comma 3, de sa lege de su 23 de su mese de Nadale de su 1978, n. 833 chi pertocat s'igiene e sa sanidade publica.

**SU PRESIDENTE**

- BIDU s'art. 32 de sa Costituzione;
- BIDU s'Istatutu Ispetziale de Sardiogna e sas normas de atuatzione;
- BIDA sa lege regionale de su 7 de su mese de Ghennàrgiu 1977, n.1 chi detèrminat sas "Normas pro s'organizatzione amministrativa de sa Regione Sarda e pro sas competèntzias de sa Giunta, de sa Presidèntzia e de sos Assessorados regionales";
- BIDA sa Lege de su 23 de su mese de Nadale de su 1978, n.833 "Istituzione de su servìtziu sanitariu natzionale" e mestamente s'art. 32 chi disponet "*su Ministru de sa sanidade podet fàghere ordinàntzias immediatas e urgentes, pro su chi pertocat s'igiene e sa sanidade pùblica e de polìtzia veterinaria chi sunt bàlidas in totu su territòriu natzionale o in prus de una regione Italiana*", ma "*pro custas matesssi matèrias sos presidentes de sas giuntas regionales e sos sindigos podent èssere fàghere ordinàntzias immediatas e urgentes, chi sunt bàlidas pro cussa regione o pro cussos comunes*";

BIDAS sas Ordinàntzias de su Presidente de sa Regione Sardigna n.2 de su 24.02.2020, n.3 de su 27.02.2020, n.4 de su 08.03.2020 e n.5 de su 09.03.2020 e sa Nota acraridora de su 10.3.2020;

BIDU su decretu-lege de su 23 de Freàrgiu de su 2020, n.6 chi detèrminat "*Misuras urgentes pro su cuntenimentu e sa gestione de s'emergèntzia de sa malàdia de su COVID-19*" publicadu in GU Sèrie Generale n.45 de su 23.02.2020, in vigèntzia a su 23.02.2020, e mestamente s'art.3 comma 2;

BIDOS sos Decretos de su Presidente de su Consighiu de sos Ministros de su 23 de Freàrgiu, de sa prima die de Martzu, de su 4 de Martzu, de s'8 de Martzu, de su 9 de Martzu e de s'11 de Martzu 2020;

BIDA s'Ordinàntzia de su Capu de sa Protetzione Tzivile n.630 de su 3 de Freàrgiu 2020 chi detèrminat sos "*Primos interventos urgentes de protetzione tzivile pro su chi pertocat s'emergèntzia causada dae sas malàdias derivadas dae sos virus*" in ue est istadu assiguru s'agiudu de sa Protetzione Tzivile a sas istruturas e a sos servìtzios de sa sanidade;

BIDU su decretu de su Capu de su Dipartimentu de sa protetzione tzivile n.627 de su 27.02.2020, in ue su Presidente de sa Regione Sarda est istadu numenadu sugetu atuadore in cunforma de s'OCDPC n.630 de su 3 de Freàrgiu 2020;

BIDA sa nota n.3077 de su 10.3.2020 de sa Direzione generale de sa protetzione tzivile, in ue si domandat a su Corpus Forestale e de Vigilàntzia Ambientale de agiare su personale sanitàriu a medire sa frebba a sa gente chi arrivit cun sas naves a sos portos de Lungoni e de Posthodorra;

CUNSIDERADU chi, in cunforma a s'articulu 1 de sa L.R. 26/1985, su Corpus Forestale e de Vigilàntzia Ambientale agiat sa protetzione tzivile comente istrutura operativa regionale e chi, essende cualificadu comente Pùblica Seguresa e comente Politzia Giuditzziària, podet èssere cramadu a dare agiudu operativu in su territòriu;

- RITENNIDU chi, su Corpus Forestale e de Vigilàntzia Ambientale at signaladu violatziones meda a sos disponimentos de sas Autoridades cumpetentes, dae parte de sugetos residentes e sugetos chi non sunt residentes in Sardigna, siat in sos portos, siat in logos de campagna e siat in zonas de mare, e mescamente in sas zonas turísticas;
- VALUTADU chi su Corpus Forestale e de Vigilàntzia Ambientale resurtat presente in sas campagnas e in sos montes in ue non b'at àteros òrganos pro fàghere custos controllos;
- VALUTADA s'urgèntzia de assicurare unu suportu mannu a sas istruturas operativas regionales de su Sistema de Protetzione Tzivile pro fàghere sos interventos chi pertocant sa difusione epidemiologica dae COVID-19, istabilidos fintzas cun sas Ordinàntzias de su Capu de su Dipartimentu de sa Protetzione Tzivile e de su Presidente de sa Regione Sardigna;

### **òrdinat**

- Art. 1) Su Corpus Forestale e de Vigilàntzia Ambientale garantint, cun òmines e mezos, su suportu a sa protetzione tzivile pro fàghere fronte a custa emergèntzia de su COVID-2019 in totu su territòriu de sa Sardigna, segundu su chi narant sas diretivas postas in su Decretu de su Capu de su Dipartimentu de sa Protetzione Tzivile n.627 de su 27 de Freàrgiu 2020, o su delegadu sou.
- Art. 2) Su Corpus Forestale e de Vigilantzia Ambientale, cun òmines e mezos, depet fàghere a manera, chi custas Ordinàntzias fatas dae su Presidente de sa Regione supra su COVID-19, siant respetados dae totu, e a pustis de àere cuncordadu cun sos òrganos cumpetentes podet agiudare sas àteras fortzas de Politzia in cunforma a sas normas adotadas cun su DPCM e cun su OCDPC, mestamente in sas campagnas e in sos montes, e in sas zonas de mare.

Custa ordinàntzia est eficatze a manera immediata e benit publicada in su giassu internet de sa Regione. Sa publicatzione at valore de notifica, pro tutu sos efetos de sa lege e pro totu sos sugetos interessados.

Custa ordinàntzia benit mandada a su Presidente de su Consìgiu de sos Ministros, a su Ministru de su Saludu, a sos Prefetos de sos Ufìtzios Territoriales de sa Sardigna, a sos Assessoros Regionales, a sos amministradores de sas provìntzias Sardas, a su Sindigu metropolitanu de Casteddu e a totu sos Sìndigos de sas Comunas de sa Sardigna, a sas autoridades chi gestint sos portos e sos aeroportos e a totu sos sugetos chi sunt interessados.

Contra a custa ordinàntzia est ammissu su ricursu giurisditzionale in antis a su Tribunale Amministrativu Regionale intre 60 dies a pustis de sa comunicatzione, o su ricursu istraordinàriu a su Capu de s'Istadu intre 120 dies.

**SU PRESIDENTE**  
Christian Solinas



CHRISTIAN  
SOLINAS  
REGIONE  
AUTONOMA  
DE SARDIGNA  
- SISTEMA  
REGIONE  
13.03.2020  
20:02

